

任區區敢此伏地問

安

答曰出仕良用喜焉證候一掠一身

平安○咸鏡監司徐渚狀

啓上年年運大旱之餘繼被風災

八方無不失稔而本道尤甚臣巡歷嶺西列邑指向嶺東呀過

生理蕭然泰山長谷之間終或不見人烟幸遇疲氓問其疾苦

則皆援前例請受救荒鹽藿施惠分給在所不已而第念本道

鹽藿調度使勾管雖係賑民不敢擅用當此 國儲虛竭之日

換作軍餉實是急務而饑民分賑亦所當急勢不得已除出分

給照數 啓聞何如○以黃是為侍講院輔德李愬為議政府

舍人金壽賢為侍講院兼司書李應彪為慶尚左水使李慶涵

為光州牧使柳拱良為舒川郡守洪泳為臨陂縣令李夢祥為

永春縣監金駟齡為殷栗縣監○自昧爽至夜二更有霧氣初

更東方異方如火氣○庚辰○上不豫○朝 王世子問 安

○憲府 啓曰凡叅下官仕滿遷轉之際必考其日月多少為

之先後者自有法例而昨日之政典設司別提宋惟醇之箇滿

在於司畜署別提趙德年之後而乃以宋惟醇徑先議擬銓曹